

**Aningaasarsianit akileraarutit pillugit inatsisartut inatsisaata allanngortinneqarnissaanut, inatsisartut inatsisaat nr. 2, 21. maj 2004-meersoq(Umiarsuit takornarianik angallassissutit angallassinerat Dansk Internationalt Skibsregisterimi nalunaarsorneqalernissaannik aammalu ilinniagaqartut ilaannut ilanngaammik immikkut ittumik ilanngaateqalersitsineq)**

**§ 1**

Aningaasarsianit akileraarutit pillugit inatsisartut inatsisaat nr. 5, 19. maj 1979-imeersoq, kingullermik inatsisartut inatsisaatigut nr. 6, 10. april 2003-imeersukkut allanngortinneqartutigut, matumuuna uku allannguutigittinneqassapput:

**1.** § 15-ip kingorna ilanngunneqassaaq:

" **§ 15 a.** Inunnut Kalaallit Nunaanni tunngaviusumik ilinniartitsivinni ilinniartunut, Kalaallit Nunaanni sulineramik misiliillutik Kalaallit Nunaannilu ilinniarfinnut paarlakaajaallugit ilinniartunut, imaluunni Kalaallit Nunaanni sulineramik misiliillutik Danmarkimilu ilinniarfinnut paarlakaajaallugit ilinniartunut, ilinniagaqarnermut tapiissuteqartarnerup inatsisartut peqqussutaanni § 2 a naapertorlugu ilinniartunut akissarsiaqartitsineq sulisitsisumut tapiissutigineqartartoq, ukiumut ani-ngaasarsiorfiusumut 2004-imut aningaasarsiat akileraaruteqaataasussat naatsorsuiffigineqalerpata appartinneqassapput imaalillugu, ilinniagaqartup ilinniagaqarnermini akissarsiai aningaasarsiat B-tut naatsorsorneqarnerisa annertoqataanut.

Imm. 2. Inuit Inunnik isumaginnittunngorniartutik ilinniagaqartunut, Peqqinnissamik siammarsaa-sutut ilinniagaqartunut, Savaatilittut inuussutissarsiortutut ilinniagaqartunut aammalu ilinniagaqar-tut atuarfimmit sulinikkut misiliisinneqartunut, immikkoortoq 1-imi maleruagassamut ilaatinne-qanngillat.

**2.** § 34-ip kingorna ilanngunneqassaaq:

" **§ 34 b.** Inuk § 1 imaluunniit § 2 naapertorlugu akileraartussaataasooq umiarsuarimi Dansk Internationalt skibsregisterimi nalunaarsorsimasumi, umiarsuarimi inunnik angallassissummi 1.100 bruttotonnage taannaluunniit qaangerlugu usitussusilimmi, umiarsuartullu takornarianik angallassissutit angalasumi sulinermigut akissarsiaqarsimappat, akileraarutissat tamarmiusut akissarsiat taakkua akileraarutitaannut naapertuuttumik annertussusilinnik appartinneqassapput."

**§ 2**

Inatsit 1. juni 2004-imi atuutsinneqalissaaq, ukioq aningaasarsiorfiusooq 2004 aallarnerfigalugu atuuttuulersinneqassalluni.

Namminersornerullutik Oqartussat ulloq 21. maj 2004

Hans Enoksen

/

Josef Motzfeldt